

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

Tzitadinus istimaus,

sa noti passada nos at lassau, a dolu mannu, una figura de importu po sa comunidadi nostra, signorina Giovanna Mascia, da totus connota mellus cumenti sa Maistra Giovanna.

Giovanna iat incumentzau a traballai cumenti a mastra, giovunedda, gai a s'acabu de is annus 50, biagiendi dònna diri, a primitziu a Senorbì e a pustis in d'una fratzioni pitica de Murera, Pisanedda, po imparai a is pagus pipius de su logu, aundi is aulas e is bancus fiant improntaus in localis de fortuna, postus a disponimentu da calincuna famìllia.

A sighiri, da is annus 70, at imparau, po annus meda, in sa scola elementari de Sètimu: diventendi sa maistra stòrica de Sètimu e aundi est diventada unu referimentu in sa crèscita educativa de generatzionis medas de alunnus, ca ddis si est abarrau, de seguru, unu arregordu de issa stimau.

Fintzas chini at traballau impari a issa, d'arregordat cumenti una fèmina cun s'atividadadi sua, e sa passioni no s'est frimada mai a s'imparu, ma at trasmìtiu a is alunnus, is printzìpius de sa vida, pruschetotu su de appartènniri me a una comunidadi.

No sceti po su traballu stimau e cosa sua, Maistra Giovanna fiat connota po essi fèmina de cultura, impinniada a assegurai su deretu a su stùdiu de is picocus, ma fintzas po s'intregu mannu meda a is chistionis de chini ndi teniat prus abisòngiu, ca at sighiu a incarrerai fintzas a pagu tempu a oi, cun d'unu traballu spantosu in sa Parròchia e in sa Càritas.

Lassat, diaderus, unu sbùidu mannu in sa comunidadi nostra, sa pèrdita de sa Maistra Giovanna.

A nomini de s'Aministratzioni Comunali e interpretendi su sentidu de corrutu de sa comunidadi intrea, bolu espressai is passèntzias a totu sa famìllia.

S'interru at a essi cras, cenaburà 4 de su Mesi de Idas, a oras de is 12.00.